

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

Ո Ր Ո Շ ՈՒ Մ թիվ - 345

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«13» դեկտեմբերի 2023թ.

ք. Երևան

Ես՝ ՀՀ պետական եկամուտների կոմիտեի իրավաբանական վարչության ղեկավար Արման Մնացականյանս, քննելով՝ Անդրանիկ Դերմենջյանի (հասցե՝ ՌԴ, Կրասնոդարի երկրամաս, Խոսսինսկի շրջան, Սոչի փողոց, Լոսնայա 2 շենք, բն. 24, անձնագիր՝ 65N8831788) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Չ Ե Ց Ի՝

2023 թվականի սեպտեմբերի 16-ին «ԱՄՕ» ՓԲ ընկերության «Զվարթնոց» օդանավակայանի ուղևորային մաքսային հսկողության գոտում մաքսային հսկողության արդյունքում անձնական զննման են ենթարկվել Ստամբուլ-Երևան թիվ 3F472 համարի չվերթով Թուրքիայից ՀՀ ժամանած Անդրանիկ Դերմենջյանի ձեռքի ուղեբեռը, որի արդյունքում վերջինիս մոտ հայտնաբերել են չհայտարարագրված 1127 գրամ ընդհանուր քաշով արծաթյա շղթաներ և մեկ հաշիվ-ապրանքագիր (CAN2023000000877, տրվ. 15.09.2023թ):

Փաստի առթիվ Անդրանիկ Դերմենջյանի նկատմամբ «Մաքսային կարգավորման մասին» ՀՀ օրենքի 316-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ նշված զարդերը, որպես իրավախախտման անմիջական օբյեկտ, վերցվել կինքվել է թիվ RA507445 համարի կնիքով և ի պահ է հանձնվել ՊԵԿ Արևմտյան մաքսատուն-վարչության ՈԻՄՀ բաժնի մաքսային հսկողության տարածքում:

Վարչական վարույթի ընթացքում 26"10.2023 թվականի թիվ Ն/11-3/205910 գրությամբ հարցում է կատարվել ՊԵԿ Արևմտյան մաքսատուն-վարչություն ճշտելու՝ որքան է կազմում 1127 գրամ ընդհանուր քաշով արծաթյա շղթաների մաքսային արժեքը, ինչպես նաև ոչ սակագնային կարգավորման միջոցների կիրառում առաջացնում է, թե՛ ոչ:

Չհայտարարագրված զարդերի շուկայական արժեքը պարզելու նպատակով ՊԵԿ իրավաբանական վարչությունում 15.11.2023թ. նշանակվել են նյութագիտական և ապրանքագիտական համալիր փորձաքննություն, որի կատարումը հանձնարարվել է ՀՀ «Փորձաքննությունների ազգային բյուրո» պետական ոչ առևտրային կազմակերպությանը:

2023 թվականի նոյեմբերի 16-ին կայացված որոշմամբ վարչական վարույթի ժամկետը երկարաձգվել է մինչև փորձագիտական եզրակացություն ստանալը:

ՊԵԿ Արևմտյան մաքսատուն-վարչությունից ստացված 22"11"2023 թվականի թիվ Ն/21-1/223672-2023 գրությամբ հայտնվել է, որ 16.09.2023 թվականի դրությամբ ոչ ԵԱՏՄ անդամ երկրից ՀՀ ներմուծման դեպքում 1127 գրամ քաշով արծաթյա շղթայի մաքսային արժեքը կկազմի 457218 ՀՀ դրամ: Միաժամանակ հայտնվել է, որ ԱՏԳ ԱԱ 7113 11 000 0 ծածկագրով դասակարգվող նշված արծաթյա շղթայի «ներքին սպառման համար բացթողում» մաքսային ընթացակարգով հայտարարագրելու դեպքում առաջացնում է ոչ սակագնային կարգավորման միջոցների կիրառում համաձայն ԵՏՀ կոլեգիայի 21.04.2015թ-ի թիվ 30 որոշման 2-րդ

հավելվածի 2.10-րդ կետի և 2006 թվականի դեկտեմբերի 28-ի ՀՀ ՀՕ-83-Ն օրենքի 6-րդ կետի 4-րդ ենթակետի:

ԵԱՏՄ մաքսային օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Միաժամանակ հայտարարագրումն իրականացվում է գրավոր կամ էլեկտրոնային եղանակով:

ԵԱՏՄ մաքսային օրենսգրքի 83-րդ հոդվածի համաձայն՝ որպես մաքսային ընթացակարգով ձևակերպվող ապրանքների հայտարարատուներ կարող են հանդես գալ անդամ պետության անձը, որն ունի ապրանքների տիրապետման, օգտագործման և (կամ) տնօրինման իրավունք, եթե ապրանքերը միության մաքսային սահմանով տեղափոխվում են այն գործարքի շրջանակներից դուրս, որի կողմերից մեկն օտարերկրյա անձ է:

ԵԱՏՄ մաքսային օրենսգրքի 84-րդ հոդվածի համաձայն՝ Հայտարարատուն պարտավոր է՝ կատարել ապրանքների մաքսային հայտարարագրում. սույն Օրենսգրքով նախատեսված դեպքերում մաքսային մարմին ներկայացնել մաքսային հայտարարագրում ներկայացված տեղեկությունները հաստատող փաստաթղթեր. ներկայացնել հայտարարագրվող ապրանքները՝ սույն Օրենսգրքով նախատեսված դեպքերում կամ մաքսային մարմնի պահանջով. վճարել մաքսային վճարները, հատուկ, հակազնագցման, փոխհատուցման տուրքերը և (կամ) ապահովել դրանց վճարման պարտավորության կատարումը՝ սույն Օրենսգրքին համապատասխան: Նույն հոդվածի 3-րդ կետի համաձայն՝ Հայտարարատուն, անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ ներկայացնելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

ԵԱՏՄ մաքսային օրենսգրքի 2-րդ հոդվածի 10-րդ կետի համաձայն՝ «արգելքներն ու սահմանափակումներն»՝ Միության մաքսային սահմանով տեղափոխվող ապրանքների նկատմամբ կիրառվող ոչ սակագնային կարգավորման միջոցներ են:

«Եվրասիական տնտեսական միության մասին» պայմանագրի 46-րդ հոդվածով սահմանված են ոչ սակագնային կարգավորման միջոցները, այն է. «Երրորդ երկրների հետ առևտրում Միության կողմից ընդունվում են ոչ սակագնային կարգավորման հետևյալ միջոցները՝ 1) ապրանքների ներմուծման և (կամ) արտահանման արգելք, 2) ապրանքների ներմուծման և (կամ) արտահանման քանակական սահմանափակումներ, 3) ապրանքների ներմուծման և (կամ) արտահանման բացառիկ իրավունք, 4) ապրանքների ներմուծման և (կամ) արտահանման ավտոմատ լիցենզավորում (հսկում), 5) ապրանքների ներմուծման և (կամ) արտահանման թույլատրական կարգ»: «Մաքսային կարգավորման մասին» ՀՀ օրենքի 301-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և

պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 301-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 316-րդ հոդվածի 4-րդ պարբերության համաձայն՝ ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որն առաջացնում է ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների և տրանսպորտային միջոցների մաքսային արժեքի քսան տոկոսի չափով, բայց ոչ պակաս, քան երեսուն հազար դրամի չափով:

Անդրանիկ Դերմենջյանը 2023 թվականի դեկտեմբերի 13-ին հրավիրվել է ՀՀ ՊԵԿ իրավաբանական վարչություն՝ իր նկատմամբ «Մաքսային կարգավորման մասին» ՀՀ օրենքի 316-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն «Մաքսային կարգավորման մասին» ՀՀ օրենքի 332-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ:

Այսպիսով, նյութերով պարզվել է, որ 2023 թվականի սեպտեմբերի 16-ին Անդրանիկ Դերմենջյանը ՀՀ մաքսային սահմանով առանց հայտարարագրման տեղափոխել է 457 218 ՀՀ դրամ մաքսային արժեքով 1127 գրամ ընդհանուր քաշով արծաթյա զարդեր (որի 20%-ը կազմում է 91 444 ՀՀ դրամ), որն առաջացնում է ոչ սակագնային կարգավորման միջոցների չկիրառում, այսինքն՝ վերջինս թույլ է տվել «Մաքսային կարգավորման մասին» ՀՀ օրենքի 316-րդ հոդվածի 4-րդ պարբերությամբ նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, 16"09"2023թ թվականի մաքսային զննման թիվ 134 ակտով, ՊԵԿ Արևմտյան մաքսատուն-վարչության 22.11.2023 թվականի թիվ Ն/21-1/223672-2023 գրությամբ:

Հիմք ընդունելով «Մաքսային կարգավորման մասին» ՀՀ օրենքի 316-րդ, 334-րդ, 335-րդ հոդվածները.

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: